

PEMBUKAAN KILANG MATSUSHITA COMPRESSOR & MOTOR SDN BHD

DEWAN MERDEKA, PUSAT DAGANGAN DUNIA PUTRA KUALA LUMPUR, 3 JUN 1988

Yang Amat Berhormat Datuk Muhammad bin Muhammad Taib, Menteri Besar Selangor; Yang Berbahagia Raja Tan Sri Zainal Raja Sulaiman, Pengerusi Matsushita Compressor & Motor Sdn Bhd; Yang Berhormat-Yang Berhormat; Dif-dif Kehormat; Tuan-tuan dan Puan-puan;

Saya mengucapkan terima kasih kepada Lembaga Pengarah dan pihak pengurusan Matsushita Compressor & Motor Sdn. Bhd. kerana menjemput saya untuk berucap dan merasmikan kilang Matsushita ini. Perasmian hari ini menandakan satu lagi perkembangan dalam proses industrialisasi di Malaysia.

Tuan-tuan dan Puan-puan,

2. Malaysia telah melaksanakan dasar industrialisasi lebih dari dua dekad. Di peringkat permulaannya industri-industri yang digalakkan adalah di peringkat pengeluaran barangan pengganti import atau import substitution. Selepas itu kita memberi penekanan kepada industri yang mengeluarkan barangan eksport. Kerajaan berbangga kerana eksport barangan perkilangan telah meningkat dengan pesat sehingga menjadi kira-kira 45% daripada jumlah eksport negara pada tahun 1987.

3. Langkah Kerajaan memberi penekanan kepada industrialisasi telah membawa manfaat yang sangat bermakna kepada ekonomi negara. Kalau dahulu sektor pertanian, perhutanan dan perikanan menjadi tulang belakang eksport dan Keluaran Dalam Negeri Kasar atau KDNK, sekarang ini sektor tersebut menduduki tempat kedua. Sektor perkilangan sekarang ini merupakan sektor yang terbesar dari segi jumlah nilai eksport dan juga KDNK negara. Sekiranya kita teragak-agak melaksanakan dasar industrialisasi, kemungkinan besar kita masih lagi bergantung sangat kepada naik-turun permintaan pasaran antarabangsa terhadap barangan utama dan barangan pertanian. Selain daripada itu masalah yang kita hadapi ialah pengangguran. Sektor pertanian tidak mungkin mewujudkan banyak peluang pekerjaan atau dapat membayar gaji yang tinggi. Perkilangan sebaliknya memerlukan banyak pekerja yang mahir dan tidak mahir. Kadang-kadang sebuah kilang yang terletak di atas 10 ekar tanah memerlukan 1,000 orang pekerja. Sebaliknya, ladang 1,000 ekar mungkin memerlukan hanya 500 orang pekerja sahaja. Justeru itu untuk mengatasi masalah pengangguran, industri perkilangan amatlah penting.

4. Menyentuh tentang industri perkilangan ini, Kerajaan menyedari bahawa asas industri ini adalah tidak luas. Setakat ini kira-kira 65% jumlah eksport barangan perkilangan terdiri daripada barangan industri elektrik dan elektronik serta barangan industri tekstil. Sebagai satu penekanan, Kerajaan akan terus menggalakkan berbagai industri lain yang belum wujud atau belum berkembang dalam negara kita. Di samping itu, penekanan juga akan diberi kepada industri pembekalan komponen untuk industri yang sedia ada. Dengan adanya

komponen tempatan yang berpatutan harganya, pertumbuhan industri barangan siap akan menjadi lebih pesat. Komponen juga boleh diekspot dan menambahkan lagi pertukaran asing bagi negara kita asalkan kualiti baik berbanding dengan kos.

5. Ini tidaklah bermakna Malaysia tidak akan memberi galakan dan kemudahan bagi industri-industri perkilangan yang telah bertapak dengan kuatnya seperti elektrik dan elektronik serta industri tekstil. Galakan itu tetap akan diteruskan.

Tuan-tuan dan puan-puan,

6. Turut hadir di majlis ini ialah para pelabur dan para pengusaha dari negara Jepun dan juga negara-negara asing. Dengan itu, izinkan saya berucap sedikit dalam Bahasa Inggeris.

Ladies and Gentlemen,

7. The investment of almost \$200 million Ringgit by Matsushita will no doubt bring substantial benefit to us. The Government is pleased that this factory will provide employment for more than one thousand local workers; opportunities to learn the application of modern technology for the production of electrical goods and also provide an additional source of revenue to the Government. Malaysia hopes that more foreign investors will invest in these job creating industries.

8. The political and economic stability of this country is of paramount consideration to foreign investors. The Government is aware that adverse reports have been made by the foreign media against the people and the Government of this country. This is not the first time that this has happened. However, genuine investors will eventually find out the truth and will invest here. Foreign investors will come here not only with capital, but also with modern technological know-how. This is proven by Matsushita which has decided to invest in this country and to bring modern technology in the production of electrical components. Another proof of investor confidence is the total amount of foreign investment approved by MIDA last year which totalled \$750 million Ringgit, compared to \$524 million Ringgit the year before.

9. Despite reports to the contrary Malaysia is politically stable and secure. Additionally, this country is getting economically stronger as recent economic indicators have shown. If GNP is used as a yardstick, the growth of 4.7% last year reflected sound economic growth following upon the efforts of both the Government and private sectors to overcome depressed market conditions due to world economic recession two to three years back. Malaysia's Balance of Payment last year further reflected the economic strength of the country: not only has the surplus in Merchandise Account increased, but there is also a surplus in Current Account as compared to deficits for the past few years. Bank Negara reserves have increased to more than \$19 billion Ringgit last year, equivalent to retained imports of 7.4 months. These economic indicators should convince potential investors of the soundness of this nation's management.

10. On the top of that, the Government has taken several measures not only to

improve the investment climate, but also to ensure that this country is more attractive for investment compared with other countries in this region. Besides offering fiscal incentives, the Government has also improved its administrative system concerned with promoting the growth of industries. Directives have gone out for all decisions on incentives to be made within 2 months. The Government has also streamlined procedures related to manufacturing licences and technical agreements to ensure that they are processed within 6 weeks. State Governments and the Ministry of Trade and Industry have established one stop agencies for issuing all licences required by investors.

Tuan-tuan dan puan-puan,

11. Tindakan dan dasar Kerajaan sahaja tidak mencukupi untuk menarik pelaburan asing. Rakyat, khususnya para pekerja serta kesatuan-kesatuan mereka juga, perlu memainkan peranan untuk mewujudkan iklim yang baik bagi pelaburan oleh para pelabur tempatan dan asing.

12. Kita harus menerima hakikat bahawa para pelabur di mana-mana juga mereka melabur, didorong oleh hasrat mencari keuntungan. Mereka tidak melabur kerana ingin berbakti kepada masyarakat negara asing, walaupun di zaman ini para pelabur lebih bertanggungjawab dan sedar akan peranan pihak lain dalam menjayakan pelaburan mereka. Justeru itu kita perlu berhati-hati mengimbangkan kepentingan kita dengan kepentingan mereka.

13. Kita juga harus ingat bahawa banyak negara yang mahukan pelaburan dan dengan itu persaingan antara negara-negara yang berminat dengan pelaburan asing adalah hebat. Jika tindakan-tindakan kita menidakkan atau mengurangkan kesan segala insentif Kerajaan, para pelabur akan melabur di negara-negara lain. Sementara kita tidak mahu menjual tenaga dan maruah kita dengan murah, kita tidak boleh terlalu sombong dan menuntut bayaran yang terlalu tinggi bagi tenaga kita. Sepertimana juga kita tidak suka dilayan dengan buruk oleh orang lain, janganlah kita pula memberi khidmat yang tidak baik kepada mereka yang memberi peluang pekerjaan kepada kita. Kesabaran dan kesederhanaan harus menjadi sebahagian daripada sifat kita terhadap para pelabur dan pelaburan asing.

14. Bagi beberapa tahun yang akan datang, kita memerlukan pelaburan asing untuk membangunkan ekonomi negara kita. Adalah menjadi harapan Kerajaan bahawa ahli-ahli teknikal dan para pengurus tempatan yang bekerja dalam kilang-kilang asing akan mempelajari teknologi dan seluk-beluk perusahaan dan perniagaan sehingga dapat mengadakan perusahaan sendiri. Lebih cepat kita belajar, lebih cepat lagi kita dapat mengurangkan pergantungan kita kepada pelaburan asing. Bukan menjadi hasrat Kerajaan untuk selama-lamanya bergantung kepada orang lain. Tetapi, selagi kita tidak terdaya mengadakan industri kita sendiri, selama itulah kita terpaksa bergantung kepada para pelabur dan para pengusaha asing. Demi maruah dan kedaulatan kita, kita harus mempercepatkan lagi proses penguasaan kecekapan-kecekapan yang diperlukan.

Tuan-tuan dan Puan-puan

15. Sekali lagi saya mengucapkan terima kasih kepada Lembaga Pengarah syarikat ini kerana telah menjemput saya merasmikan kilang yang moden ini. Adalah diharapkan kilang ini akan berjaya dan kejayaan itu akan menggalakkan pekilang-pekilang asing datang ke negara ini dengan modal dan teknologi yang diperlukan. Dengan harapan ini, saya dengan sukacitanya membuka kilang Matsushita Compressor And Motor Sdn. Bhd. dengan rasminya.